

Universitätsbibliothek Paderborn

**R. P. Pauli Segneri Societatis Jesu Brevis Vitæ Historia
cum ejusdem Concordia Quietis & Laboris in Oratione,
Expositione in Psalmum Miserere, Considerationibus de
Inferno, Expositione Cantici ...**

Massei, Giuseppe

AUGUSTÆ Vindel. & DILINGÆ, 1707

VD18 12383155

Pars. 1. Quæ viam monstrat ad agnoscendam veram Originem
discrepantium in hac quæstione opinionum.

[urn:nbn:de:hbz:466:1-47773](#)

Pars I.

Quæ viam monstrat ad agnoscendam veram originem discepantum in hac quæstione opinionum.

Caput I.

Extremum, ad quod declinant, qui animas volunt ducere per viam Meditationis.

Qui id vitæ genus delegerunt, ut mercibns permittandis dent operam, facile in alterutrum extremorum inter se pugnantium declinant: alij enim securitatem magis quam lucrum spectant: alij lucrum magis quam securitatem. Sic & Patres quidam spirituales faciunt in negotio, de quo tractamus.

I.

Sunt ex eorum numero aliqui, qui insolito aliquo evenitu, quem sua maximè ætate vel auribus, vel oculis usurparint, perterriti, mox atque de Oratione mentionem fieri audiunt, quæ paulò altius ordinariâ assurgat, consternantur, tam illam periculi plenam existimant. Atque hâc causâ conantur semper Animas tenere intra cancellos puræ Meditationis, sic ut miseræ nihil unquam agant aliud, quam ut trium facultatum, seu potentiarum internalium exercitatione se fatigent, Imaginatrix in formandis præludiis; Intellectus in punctis, quæ dicunt; & Voluntas in affectibus, facto discursui respondentibus; quando jam sine tali conatu aptæ sunt ad receptum interiorem, ad primum

primum commotionis sibilum , aut nutum , quo DEUS eas à centro cordis ad se vocet , & trahat , efficacius quām Pastor sibilo ad se trahat oviculas , in littore aut planicie aliqua oberrantes .

Isti enim vero videntur securitatem potius , quām lucrum animarum spectare . Negari enim non potest , quin æquum non sit Animas , postquam diuturnā Meditatione dederunt operam , ut Fidei axiomata altè animo insculperent , vitia extirparent , virtutes acquirerent ; & diu Scholam illam frequentarunt , quæ ipsis in pulcherrima Christi Servatoris vita aperta fuit ; si subinde illas DEUS à ratiocatione abducat , illasque sibi uniat , ut in iisdem sine ullo medio operetur ; æquum , dico , non est , eas impedire , & quibusdam quasi compedibus vincas tenere intra limites discursus , quo catenus usæ sunt . Nec enim hoc aliud esset , quām obligate illas ad aurum magno labore è cavernis eruendum , dum beneficio imbre in earum sinum effunditur .

Facili negotio fieri potest , quod DEUS illas his indiciis vocare velit ad illam Contemplationem , quæ Infusa dicitur , ad illam inquam , quæ , cùm consistat in arcano quodam commercio , quod medio amore intercedit inter DEUM & Animam , inter Animam & DEUM , alio etiam nomine *Mystica* appellatur , Operationum nimirum tam occultarum , tam arduarum , quæ hac in via experientiâ melius percipi , quām exprimi possunt . *Arcana verba , quæ non licet homini loqui* . Et licet DEUS attollere illam non velit ad hoc Contemplationis genus , nihil refert .

Ipsa Meditatio ordinaria , post aliquod tempus , naturâ suâ producit illam Contemplationem , quæ dicitur *acquisita* ; illam dico , quæ simplici obtutu agnoscit DEUM ,

& cum DEO veritates illas certissimas, quæ prius cum labore investigabantur, eas admiratur, amat, iisque immortatur contenta, non aliter quam aliis quilibet in bono reperto acquiescit. Et idcirco hæc Contemplatio nō nisi non permittenda est; cùm in hac non contineatur periculum errorum, sed magis in Quietè illa altissima, illis unionibus, visionibus, Raptibus, & aliis similibus modis Contemplationis, quæ plus quam unquam *Mystica* appellatur, cùm sit tota quanta recondita.

Ceterū quis tam sit audax, ut illis Animabus, quæ in oratione D E U M repererunt, prohibeat, quo minus illo intus per affectum fruantur, illo se pro arbitrio oblectent? aut ut eas damnet ad querendum illum per longam velut conclave seriem, & ejus tanquam Regis sui aliquum petendum, dum Rex ipse suo in solio obviā sese offert?

II.

IN hos bene caderet illud S. Thomæ, in Opusculo de Beatitudine, quo nonnulli abutuntur ad damnandam omnem ratiocationem.

Docet S. iste Doctor, sicut Beatitudo vitæ futuræ erit gaudere DEO, ita proportione suâ eandem debere esse Beatitudinem vitæ præsentis. In hac vita continuò deberemus Optusc. 63, c. 3. frui DEO, tanquam re plenissimè propria. Et idcirco subiungit maximam esse aliquorū stultitiam, qui per omnem vitam magna sollicitudine querunt DEUM multiplici studio, etiam Orationum prolixatum, inquietarum, importunarum; nec utquam se intra se ipsos recipiunt ad illo gaudendum magna tum tranquillitate, perinde ac si non i-

psi esse ut **Templa viva**, in quibus certissimò semper **DEUM** reperturi sint, tanquam domi suæ agentem: cum tamen, dum ilum quærunt in Terra, in Aqua, in Aëre, in Firmamento, eum inveniant tanquam Regem in suo Regno, non autem tanquam Regem in sua Regia. Est hæc doctrina extra omnem controversiam posita. Et idcirco cùm animæ, ut sic loquuntur, **DEUM** suum attentâ Meditatiōne in se ipsis repererint, permittendum omnino ipsis est, ut illo plenâ voluptatis Contemplatione gaudeant, eum admirantur, eum ament, illi gratias agant, seque cum ipso mediantibus actibus illis Simplicibus, sive infusi illi, siue acquisiti sint, quos variè in interno illo suo recessu experiuntur, conjungant. Hâc autem doctrinâ non dominantur illi, qui in Oratione ratiocinantur, sed qui ratiocationem ejusmodi finem suum faciunt. Quâ de causâ, postquam Angelicus perpendit magnam stultitiam non sine anxietate foris querentis, quod summa facilitate invenire potest intus, ita tandem conclusit. *Sic est etiam vita cuiuslibet Justi DEUM semper querentis, sed nunquam invententis.* Non dixit simpliciter querentis, sed *semper querentis*, in hoc enim totum malum situm est.

Id unicè observandum, quod mortali hac in vita nunquam nobis concessum sit ita invenire **DEUM**, ut non necessarium nobis sit eundem semper querere. Quid enim aliud innuit Psaltes Regius verbis illis. *Quarite Dominum* **Psal. 104.**
& confirmamini, querite faciem ejus semper? Subtrahit se **v. 4.**
 nonnunquam **DEUS** certo consilio aspectui carissimorum suorum, seque abscondit: quo alio fine, quâm ut requiratur? Hinc ipsa tum inquisitio plena est voluptatis. *Letetur cor querentium DEUM.* Sic ut de ipso adeò **S. Tho-** **Psal. 104.**
ma dubium sit, magisne ipse gauderet & frueretur DEO, **v. 1.**
 an dili-

In Psal.

an diligentius jam possessum quereret, cum probè nosset, veram hac in re esse regulam, quam apud S. Augustinum legerat: Quærendum DEUM, ut majori cum voluptate ipso frui liceat, & fruendum ipso, ut majori desiderio inquiratur. Nam DEUS queritur, ut inveniatur dulciss; & invenitur, ut queratur avidius.

Proinde sicut Opusculum citatum, et si sit valde subtile, à plerisque tamen pro legitimo S. Thomæ partu non agnoscitur, sed pro suppositio, ita non multum hac in controversia tanti Doctoris authoritas negotij facessere nobis debet. Animos potius addere nobis potest ejus exemplum, dum ipse semper, inveniendo quod quærebat, & quærendo quod invenerat, aliud in omni sua vita non egit, quam ut facto ipso affirmaret, quam consonum sit veritati, quod in Summa sua, quæ indubitate ejus partus est, docuerat: nimirum motus operationum, intellectualium, si rectè gubernantur, tam non perturbare quietem contemplantium, ut eam etiam constituant; Motus operationum intelligibilium ad ipsam quietem contemplationis pertinent. Et vero, quis unquam docuit, quod, qui meditatur, DEUM extra se querat? Potest enim verò illum etiam intra se quærere, ut cum quærit, qui contemplatur, et si ille labore majori. Quia tamen hoc ad finem propositum sat's non est, quia peccatur, etiam ad alterum transire, quod est veluti scopulus è regione situs.

SC **Io(** **SC**

Caput II;

Caput II.

Extremum eorum, qui animas per viam Contemplationis ducunt.

Sunt igitur alij Animarum duces, qui semitam ē diametro oppositam tenent. Hi cūm intelligent, quantum lucri fiat per recessum quendam interiorem, vellent confessim, ut, quod experti ipsi sunt, id alij quoque perciperent: cāque causā de Animarum, quas ducunt, securitate non nimis solliciti sunt. Nam etsi istae necdum satis perspectam habeant viam, quā inquirendus ipsis DEUS sit, quem tamen intra se habent, id efficere conantur, ut ipsum ante inveniant, quām quærant. Atque ita non permittunt, ut vel principio suæ ad DEUM conversionis, & Spiritualis, quam ordiuntur, vitæ, Meditationi se demandant: aut certè mox atque advertunt, quòd hæ in Meditatione siccitatem quandam, aut fatigationem laborēnque experiantur, abducunt illas à ratiocinandi via, perinde ac si siccitas illa, ille labor manifestissimum indicium sit, quòd DEUS in ipsis sine ipsis mira quædam efficere velit. Quia autem etiam parte aliâ observant, animas ejusmodi non esse idoneas ad Contemplationem, acquisitam operâ Meditationis, mox illas introducere volunt ad Infusam: præcipiuntque ipsis, ut omisso omni alio conatu & diligentia, quæ serviat ad ipsas præparandas ad Orationem, recipiant sese intra se tanquam ad centrum mediâ Fide, sed hac purâ putâ; omnibuscque dimissis imaginibus, omni faciliere jussâ ratiocinatione, ascendant cum Moysè verticem montis Sinai, ut intrent in illam caliginem, in qua

B

DEO

-02 II

DEO ineffabili modo tanto oblectentur amplius, quo minus ipsum intelligunt.

Isti Duces videntur Animas non simplici discrimini exponere. Illud enim mente tenendum, ex populo tam Exod. 20. numeroso, non nisi unum ac solum Moysen vocatum esse
 v. 21. ad sublimem montis caliginosi verticem: *Moyses accessit ad caliginem, in qua erat DEUS.* Minus perfecti, ipsique nimurum tam celebres *septuaginta senes ex Israël*, ascendere jussi sunt, sed non nisi ad montis medium; reliquum vero omne vulgus non tantum ascendere permissum non est, sed ne quidem ad mentis radicem consistere.

Quanta igitur, quæso, fraus ista est, velle hodie tam multis ex plebe quodammodo infimâ, communem facere illam etiam Mysticam Contemplationem, tam raro concedi solitam? Tantopere solitus est DEUS, ut constet illam non omnibus esse communem, ut hâc ipsâ causâ præcepit disertissime Moysi, ut ex illa, in quam erat ingressus, caligine prodiret, & ad montis pedem rediret; ad hoc indicandum Populo, protestationis genere tam terribili, tam serio, quam unquam fieri posset, ipsam adeò trans-

Exod. 19. gressuris mortem interminando. *Descende, & contestare*
 v. 21. *Populum, ne forte velit transcendere terminos ad videndum Dominum, & pereat ex eis plurima multitudo.*

Prov. 15.

v. 17.

Et tamen certa res est, Populum illum, et si ascendisset ad montis jugum, non tamen quidquam cum Moyse de DEO visurum fuisse; neque quidquam aliud in sublimi illo vertice spectaturum, quam fumum, nubes, nimbos, & horribilem tempestatem. Quin imò, ipsa illa præfidentia fruendi DEI conspectu magno illi fuisset constituta, *Scrutator Majestatis opprimeatur à gloria.*

II. So-

II.

Solenne quibusdam est, afferre ad doctrinam suam affirmandam celeberrimum illum textum S. Dionysij, quo ad carum suum Timotheum ista scripsit. *Tu autem, Timothee carissime, pro maxima mysticorum spectaculorum exercitatione, quā vales, pratermitte & sensus & mentis actio-* De Myst. *nes, eaque omnia, quae & sub sensum cadunt, & animo cernuntur,* Theol.c. I. *& que non sunt, & qua sunt omnia, tēque ad ejus, qui omnem essentiam, omnēmque scientiam superat, conjunctionem,* & unitatem pro virili parte etiam excita.

Hic autem ante omnia observandum est, hoc nomen *Mysticæ*, et si hodierno usu soli illi Contemplationi supernaturali tribuatur, quam etiam Infusam dicunt, non tamen ita illi proprium esse, ut non etiam naturali illi Contemplationi competere possit quæ *acquisita* dicitur. Et ratio est; quia hæc, et si non sit tam ineffabilis, quam illa, non tamen facile, nisi ab expertis, cognosci potest: *Manna Apoc. 17. absconditum, quod nemo scit, nisi qui accipit.* Atque ita videmus, sensus quosdam sacrarum Literarum mysticos dici, non quia nullo modo exprimi possunt, sed quia reconditi sunt; sic ut ad eos intelligendos sat̄ non sit hærere in corrice literæ; sed oporteat penetrare ad medullam, intra quam est spiritus.

Hoc posito, non est adeò certum, ut nennemo putat, quod S. Dionysius exhortatus hic sit Timotheum ad Contemplationem supernaturalem, non verò naturalem: quid- Suarcz de Relig.to, quid enim hic ab eo desiderat, non in uno minus, quam 2. 1. 2. altero Contemplationis genere exercitandum est. c. 12. n. 19

Quid enim re ipsa ille exigit? non exigit ulla ratione & 26.
S. Doctor à Timotheo, ut non utatur Imaginatione, non Intel.

Intellectu, non aliis speciebus sensilibus, ut hinc aliqui arguunt, qui attollere homines volunt ad modum procedendi humano superiorem. Mille aliis locis ille afferuit, sine

Cap. I. de his agi nihil posse. *Impossible est nobis aliter lucere divinum cæl. Hier. radium, quam varietate sacrorum velaminum circumvelatum.*

Jubet tantum, non sistere in illis speciebus, sed eas transcendere, cum nulla earum DEUS suus sit (ut tunc existimabat tam magna Mundi pars, quæ sub his illum sexcentis modis adorabat) sed omnes sint tantum vela, quæ illum abscondunt: ita colligere licet ex eo, quod Sanctus addit, ad tam multos Idololatras alludendo. *Vide autem, ne quis eorum, qui non sunt iniciati sacris nostræ Religionis, hæc audiat.* Atqne hâc causâ vult ipse, ut Timotheus, neque facultate Imaginatrice, neque Intellectu, conetur fingere sibi DEUM quacunque figura possibili, sed ut omnes transgressus, obtutum ipse, tanto jam intervallo abjecta à plebe elevatus, figat in ineffabili illa, & incomprehensibili eminentia, quæ melius noscitur cogitando quid non sit, quam quid sit. Et hæc est luminosa illa S. Dionysij caligo, aut lumen caliginosum; cognoscere DEUM superiorem omní illo quod vel imaginari, vel intelligere possit mens illius, qui eum contemplatur, atque ita nōsse eun-

De Myst. Theol. c. I dem, ut non cognoscatur. *Illis veraciter lucet DEUS, qui omnium sanctorum summum ascensum transcendunt, cunctaque Divina lumina, & sonos, sermonesque deserentes, caliginem subeunt, ubi veraciter ille est super omnia.* Sed ista lux caliginosior omnibus tenebris, & istæ tenebræ clariores omní luce, communes sunt cuicunque contemplationi excellenti; et si etiam in quacunque, plerisque idiomata quoddam sunt, veneratione, quam usu notius. Facilius multo intelligitur ipse S. Dionysius, ubi ait, ne se ipsum

psum quidem unquam ausum obtutum rectâ desigere in solen divinum, sed tantum in radios ejus reperculos. Nunq. De div. quam nos tam magnum solem adversum intueri conati sumus. Nom. c. 3.

Hæc est prima responsio data ad textum tam insig-
gnem. Dato deinceps etiam, quod S. Dionysius contempla-
tionis Mysticæ nomine intel'igat quamcumque, pro cu-
jusvis arbitrio, attendatur tantisper, quam ille circumspe-
ctè eā in re procedat. Hortatur ille ad hanc, non nego;
sed quem? hortatur Timotheum jam exercitatum in eo
orandi genere, & valdè expertum: *Tu antem pro maxima*
Mysticorum spectaculorum exercitatione, quā vales. Non
hortatur quemquam, qui non pertigisset, ad exercitatio-
nem, quam dicit maximam: qui nimur est error nescio-
usitatiōne, an major, qui in te nostra damnetur. Atque
ita ex sententia & effato tam nobili colligi non potest, quod
ad infusam Contemplationem quisquam impelli possit, sed
solum, quod is qui jam à DEO ad eam admissus est, exci-
tari possit, animari, & adjuvari. Aliter qui agit ad
alterum extre'mum deviat, quod hoc ca-
pite damnatur.

Caput III.

*Via media, quam Sancti existimârunt inveniri posse,
dum qui orat nunc contemplatur, nunc meditatur, pro
ut hoc aut illud D E U S dederit.*

I.

Sicut aquæ bonæ illæ sunt, quæ currunt melius, sic & sententia. Statim apparet, quām sit proficuum & B 3 utile,

utile, ut currant sine obice. Ad hoc autem quid requiriatur? requiritur, ut non aliter quam aquæ, inter montes oper.
Phl. 103. positos medium iter teneant. *Inter medium montium per-*
v. 10. *transibunt aquæ.* Unde qui nostro in negotio rectè procedere vult, medianam inter extrema jam enarrata viam inventat oportet. Et hæc est illa, quam Sancti nobis indigunt; conjugere in oratione Laborem Quietum pro ratione temporum. Si DEUS quietem dat, donando Contemplationem, illâ frui & se oblectare: Si non dat, labore Meditando ad illam consequendam.

Vite c. 22. Et quoniam aquarum exemplo uti cœpimus, ego ad viam ejusmodi explicandam nescio quid facere melius possum, quam ut utar illâ similitudine tam illustri, quam S. &c. Teresia in re præsenti usa est: aquæ scilicet pluviaz, aut ex puteo, et si non æquali semper labore, haustæ. Ut enim stultum est, cum pluit, aquam ex puteo haurire velle ad plantas horti mei irrigandas: sic antequam cadat pluvia, aut cum pluere desierit, quid malum est, si paratum modo ad puteum recurram ad illud obtainendum, quod cælum mihi negat? Ecquid hac similitudine innuere volo?

Sunt hodie nonnulli, non dico omnes, ex mysticis his animarum Directoribus in via Orationis, qui contendunt, perfectum Contemplativum tam procul debere esse ab exercitatione & usu trium facultatum interiorum, ut paratus esse debeat ad tolerandam potius omnem aridatem & siccitatem, quam ut earum operâ utatur, sicut illâ utuntur Meditantes: earum enim operâ uti velle, si Magistris his credimus, aliud non est, quam adhærere velle rei sensili, ad fugiendum omne quod molestum est.

Hoc autem mihi tam absurdum videtur, ut tenui meo iudicio errorem reputem. Videtur enim mihi aliud non esse,

esse, quām prætextu abstractissimæ perfectionis collere proximam & propriissimam nostram cooperationem, quæ à nobis in omni opere divino requiritur. Unde audito isto loquendi modo ita me sensi moveri, perinde ac si jam jam virentibus sub herbis latitantem serpentem retexisse.

Non oportet, cùm DEUS cordi sc nostro non infundit, confugere ad facultatum interiorum exercitationem ut humanæ nostræ propensioni satisfaciamus, cui ejusmodi siccitas molesta est: demus hoc: oportet tamen ad illam confugere eo tantum fine, ne omittamus oportunè aquam haurire ex puteo, quando pluvia terram non humectat, id quod soleribus hortulanis solempne est.

Si neque pluit, neque quocunque nostro conatu aquæ quidquam extrahimus, tum enim vero toleranda est fortiter quæcunque ariditas, quæcunque siccitas, neque idcirco ab Oratione est desistendum, perinde ac si oleum tum & operam perderemus: quod enim tolerando faciemus lucrum, tantum erit, ut DEUS occultis modis tum terram cordis nostri plus sit fecundaturus, quām ullius aquæ beneficio, quæ cælo ad nostrum arbitrium delaberetur.

Ceterū quomodo damnari potest, si cessante beata illa mentis suspensione, quæ communi cunctorum confessione brevi durat tempore, suis ordinariis actibus homo suppleat beatos illos influxus & impressiones, quas tum DEUS retrahit? quam enim orando experimur sterilitatem, ferre quidem debemus coacti, non tamen eam eligeremus; tanquam veræ Devotioni penitus adversantem.

Si causam quærimus præcipuam Devotionis, quam experimur, eam docet S. Thomas esse DEUM, qui ex indevotis devotos potest reddere, modo ipse velit, mutando rupes in rivos. Hæc tamen, ut idem Doctor adjungit,

causa

causa est extrinseca: *Causa Devotionis extrinseca DEUS est.*
Intrinsica, etsi minùs præcipua, illa est quæ nostra ex par-
2.2. q. 82. te se tenet: & hæc est Meditatio, seu Contemplatio. Cau-
a. 3. sa autem Devotionis intrinsicæ ex parte nostra oportet ut sit
Meditatio, seu Contemplatio: cùm non possit voluntas prom-
ptam paratamque se divino offerre obsequio (in quo De-
votio consistit) nisi illam Intellectus corroboret opportu-
nis considerationibus, quæ, si Sanctus hic non erravit, ex
parte DEI sunt Miserationes illius ac Merita, quæ faciunt
ut illimet adhæreamus; nostra vero ex parte sunt nostræ
malitiæ, nostræ miseriæ, quæ faciunt ut intus in animo
nos abjiciamus. Quare cùm homo inter Orandum non

potest his uti considerationibus Contemplando, quia non
pluit; nec uti illis vult meditando, quia non dignatur hau-
rire aquam ex puto operâ suorum brachiorum, quid tum
ad Devotionem excitandam superest? id scilicet unum,
ut DEUS tanquam causa extrinseca operetur solus, & ru-
pium sinum pandat. Hoc autem velle idem est, quod aliis
vocibus appellamus, Tentare DEUM.

Et tamen hoc quilibet tanto studio cavere debet, ut
Cajetanus, singulari pietate allatum locum explicans, in-
de collegerit necessitatem, quâ quisque obligatur ad tri-
buendum quotidie piis his considerationibus certum tem-
poris spatiū; nec dubitârit pronuntiare, indignum esse
nomine Religiosi, aut Religiose, quin & hominis spiritua-
lis, quisquis id facere prætermittat. Verba eius sunt. *Re-*
ligiosi aut Religiose, seu Spiritualis etiam nomine vocari non
potest, qui saltē semel in die ad hujusmodi se non transfert. Et
ratio est, quia nisi id fiat, exigit homo, ut solus tum Deus
in animo Devotionem aut exciter, aut excitatam conser-
vet. Hoc tamen male fit. Necesse est causæ extrinsecæ
junge-

jungere etiam intrinsecam: unde non dicit Angelicus Causa autem Devotionis intrinseca est Meditatio, seu Contemplatio: sed, oportet ut sit: quia est necessaria. Verum quidem est, quod non dicat, *Meditatio & Contemplatio*, sed *Meditatio*, seu *Contemplatio*: disjunctivè neque enim omnes apti sunt ad contemplandum, maximè quotidie. Sed qui ad contemplandum aptus non est, saltem mediteret; neque contentus sit harrere in Oratione instar Olitoris obstinati, qui malit videre plantas exarescere, quam brachiorum operâ quam ad eas irrigandas ex puto hauireret. Prò! quam o-


mni in negotio tuta est via media! *Prudentia dat v-*

cem suam, si Sapienti fides, in mediis se-

mitis stans.

Prov. 8.

v. 2.



Caput IV.

Respondeatur objectioni, quā nonnulli hodierni tentārunt claudere viam medium, docendo, quod, quisquis aliquid vocatus à D E O est ad contemplandam, nulla deinceps ratione ad meditandum redire debeat.

I.

Non defuerunt, qui rationis & argumenti allati vim caperent: eam tamen ut eluderent potius, quam superarent, responderunt: verum Contemplativum debere potius omnem in oratione ferre arridatatem, quam ut quoquo modo meditetur, ne de statu deficiat ad statum. Id quod verat S. Paulus: *Unusquisque, in qua vocatione vo-*

C

catus v. 40.

catus est, in ea permaneat. Quare sicut Cappuccinus ob
eas, quas in statu suo patitur difficultates, non debet re-
dire ad statum priorem Ordinis, seu Militaris, seu Mono-
stici, seu Clericalis, à quo ad horridam illam vestem tran-
siit; sed ejus vestis molestias ferendo superare; sic qui ma-
nifestis indiciis à DEO vocatus est ad Contemplationem,
maxime habitualem & permanentem, non debet ob eam,
quam per intervalla patitur, ariditatem desistere à cœptis,
& abjectæ Meditationi se dare: id enim tepiditatis, incon-
stantiæ, & infidelitatis, de statu ad statum revertentis ar-
gumentum esset.

Laudetur JESUS, qui me tali responce reperta,
beavit summa quadam luce ad aperiendam scaturiginem,
ex qua hodie tam multum aquæ turbidæ exundat.

Itane redire ab actu ad actum, vocetur redire de statu
in statum?

Et quis unquam in Mundo omnibus retro seculis au-
divit, eos qui meditantur, & eos, qui contemplantur tam
diversis in statibus versari, ut de iis non dicam loqueretur,
non dicam cogitaret, sed somniaret Apostolus, quando
scriptit: *Unusquisque in qua vocatione vocatus est, in ea per-
maneat?*

Quin imò Meditantes perinde ac Contemplantes co-
dem in statu sunt, tam propriè ac verè, ut ex accidenti so-
lùm inter se differant. Neque enim Contemplatio est, nisi
species quædam orationis in gradu altiorc, quam sit Medi-

V. Suarez ratiō: in qua, quantum ad Intellectum spectat, additur
20. 2. de ejus actibus major quædam unitas, comprehensio major,
Relig. 1. 2. & major claritas: quantum autem ad voluntatem, additur
6. 9. d. 13. tantum major fervor, qualis est ferri extracti è fornace,
compa-

comparati cum alio, quod in minore prunarum cumulo excanduit.

Eritne ullus, qui asserat, Contemplantem vel tantillum desicere & recedere a suo statu, ubi dedita operâ sacras litteras legerit, carum sensum rimari, libros scribere, maximè ad spiritum pertinentes, studuerit, quod fecerunt S. Augustinus, S. Anselmus, S. Bonaventura; & tam multi alij illustres Doctores? non equidem crediderim. Igitur neque affirmari poterit, quod ille vel tantillum à statu sui perfectione recedat, qui nonnunquam cùm arida mens est, meditatur: nisi velimus dicere; illum quoque à statu ad statum regredi, qui cùm certa in occasione efficere non possit opus Perfecti, mavult perficere opus Proficiens aut Incipientis, potius quām planè otiosus residere. Putamusne S. Augustinum, aut S. Anselmum, aut S. Bonaventuram, qui tam exculo Contemplationis dono prædicti erant, non descendisse sèpius ad meditandum etiam post Raptus, quibus in ipsum adeò cælum erant subiecti? Medicatio ferme Contemplationem generat; & Contemplatio Meditationem semper amplius nobilitat; nec auditum unquam est, inter ipsas vel minimam æmulationem, aut dissensionis umbram extitisse, tantum abest, ut interno tamque intenso inter se rancore dissiderent, ut manum sibi mutuo porrigere, & quidquam commoditatis afferre obstinate tenuant.

II.

STANDUM igitur est iudicio S. Teresiz, quæ in similitudine supra adducta non agnovit distinctionem illam recens excogitatam statu, cui nūquām deest pluvia, & statu, qui nūquām non cum labore aquam haurire de-
meli.

C 2

beate

In Vita
sua. c. 18.

beat: Atque hāc causā sine exceptione sic pronuntiavit.
*Si DEUS nunquam non daret tantum calitus aquæ, quantum
 necessarium est, palam est, quanta in quiete agere posset hortu-
 lanus. Sed quia quamdiu mortalem hanc vitam ducimus, id
 fieri nequit, oportet animam semper vigilare, & solicitam es-
 se, ut unâ aquâ deficiente alteram procuret. An clarioribus
 Sancta verbis uti unquam potuisset?*

Tanto igitur intervallo illa absuit à cogitatione tam
 ignobili, qualis est, existimare aut Contemplationem Me-
 ditationi, aut hanc illi inimicam esse, ut cum ab excellen-
 ti Contemplativo, qualis fuit S. Franciscus Borgia, hoc
 monitum accepisset, ut etiam extra casum siccitatis, solo
 demissionis studio, orationem à Meditatione ordiretur, su-
 binde autem à DEO se ferri sineret, quocunque huic esset
 collubitum; non ipsa solum documentum tam pius usu
 suo secuta sit, sed idem etiam alios docuerit.

*Quis proinde unquam sibi persuaderet, posse inveniri
 aliquem, non quidem ex ejus filiis, quod sciam, tam cau-
 tis & consideratis, ex laudatoribus tamen ejusdem, qui cō
 progredieretur, ut doctrinam è diametro oppositam trade-
 ret? Ettamen est hodie nonnemo, qui audaci calamo char-
 ris committere non dubitavit generale hoc axioma. Qui
 vocatus est ad Contemplationem aut ordinariam, aut infusam,
 non se abiciat ad Meditandum pretextu demissionis; cū non
 desint mille alij se abiciendi modi, quin eatur extra limites
 proprij status. Et interrogatus, ut ediceret, tamquam Di-
 rector, an saltem hoc facere liceat in summo spiritus lan-
 guore? respondit, ne tum quidem. An tempore turba-
 tionis? neque tunc: an tempore temptationis? nec hoc.
 Ad eō hodie Princeps aliqua, suorum ceteroquin aman-
 sma, qualis est Contemplatio, odio implacabili matrem
 ipsam*

ipsam suam aversatur. Meditationem inquam illam ipsam, quâ progenita est; perinde ac si ista natalibus sit tam fordinis, ut ipsa ejus filia omne cum ipsa commercium fastidire debeat.

Sed quæ D EI est providentia, non deest Bernardus aliquis, qui ablatam injuriâ existimationem ipsi reparare paratus sit. Hic omnibus, in Asceteriis maximè degentibus, cupiit scalam quandam construere, illi non dissimilem, cuius species Jacobo dormienti objecta est; per quam sensim enī possent ad fruendū DEO, conjunctione perfecta. Absolvit autem eam quatuor gradibus. Primus fuit, Lectio librorum Spiritualium: Secundus Meditatio eorum, quæ lecta fuerunt: Tertius affectus eliciti ex iis, quæ meditati sunt, desideria, petitiones, supplicationes, quæ ille Orationis titulo complexus est: quartus Contemplatio alta ac sublimis. Quid tamen ille docet? an ut quisquis ad hanc evasit, nulla vel prece, vel pretio inducitur finat, ut denuo descendat, nisi momento illo ipso excidere velit suo statu; sed ut potius in suo Contemplationis fastigio ferat omnem ariditatem, omnem siccitatem, omnem possibilem spiritûs languorem? alia planè omnia. Imò afferit, quando Contemplaturus aut advertit subtrahit sibi, ut solet, lucem, in qua ceteroquin versari consueverat, aut illi porro ferendæ imparem se sentit, descendat, & si Contemplatio non suppetit, orando se juvet: Si neque Oratio procedit, meditetur: si neque Meditatio procedit, lectionis ope utatur: atque ita nunc sursum, nunc deorsum vadat, certus se à summo culmine tanto propius abfuturum, quanto longius recedit ab infimo. O doctrinam, ab illâ, quam dixi, discrepantem! & tamen hæc melliflui Doctoris est, en' ejus verba. Cū verò mentis humanae
acies

S. Bern. de acies infirma, veri luminis illustrationem diutius sustinere non
Scala potest, ad aliquem trium graduum per quos ascenderat, leviter
Claustr. & ordinatè descendat, & alternatim modo in uno, modo in
altero, secundum motum liberi arbitrij, pro ratione loci & tem-
poris demoretur, tanto jam D E O vicinior, quanto à primo
gradu remotior. Prò, repeto, doctrinam discrepantem!

Et hæc est sana illa doctrina, cui confessim animus cu-
jusvis aequiescit. Illa altera, quòd quis semper supremo
in culmine hærere possit; aut non creditur, aut exanimat,
aut stupore quodam afficit, aut potius inducit ad judican-
dum, præstare si quis eò non aspiret. Sed absit istud. Eum
in finem confecta scala est, ut ejus ope & descendatur &
ascendatur. Neque sit, qui putet, non nisi tum se Angel-
um esse cùm ascendit; sed etiam Angelum se esse cùm de-
scendit. In scala Jacobi an non semper iidem erant Ange-
li? Et tamen ipsi nunc sursum, nunc deorsum ibant, nec
ideo statum mutabant: neque enim ad hanc usque diem
latam intelleximus legem hanc, cuius gratia nulli fiat; ut
quisquis vitæ Contemplativæ se dedit, nullum unquam
faciat opus, quod vitæ activæ proprium sit: neque qui acti-
vam profitetur, unquam agat aliquid, quod ad Contem-
plativam pertineat. Quin imò cuncti summis laudibus
efferunt vitam mixtam, scalâ illâ mirabili, quæ Jacobo
monstrata est, repræsentatam.


Neque ad rem est, quod alias quispiam respondet:
quòd sicut ubi ad portum navis appulsa est, cessat Naviga-
tio; sic quando Animus meditando fessus, quod ante fa-
ctitabat, pervenit ad quietem Contemplationis, debeat
abstinere, omni ratiocinatione, quin jam curet aliud præ-
ter purum intuitum præsentis D E I. Siquidem S. Petrus
de Alcantata, ex quo, ut appetet, similitudo ista desum-

pta

pta est, non id spectavit, ut loqueretur de Portu, quem semel ingressus nunquam porro desereret. Neque enim his in terris ejusmodi portus est, si Sanctis fides, qui ad illum tantopere aspirarunt, tam sedulò explorarunt, ut tandem quiete deinceps non perturbanda potirentur: nec tamen illum nunquam, aut uspiam invenerunt: sed de illo tantum Portu loqui intendit, in quem per vices intretur. Hinc dicit ipse, debere tunc animam acquiescere in simplici DEI aspectu, non quidem suaviter rejiciendo omnes alias imagines (id quod alter ille pro sua singulari humanitate adjungit) gaudendo tamen illo affectu amoris, aut admirationis, aut gaudij, quem tum in animo experitur. Imò in suo illo documento id propositum Sanctus habuit, ut ostenderet, quomodo in Oratione Meditationi conjungenda sit Contemplatio, ex ipsiusmet scalam nobis construendo. Et sicut ipse principio articuli affirmavit, quod ab una ad alteram transcendit, sic sub finem ejusdem articuli docet, ab hac ad illam redeundum: id quod tunc præcipue sit observandum, quando affectus in Contemplatione tam esset vehemens, ut valetudinem lacerare possit. Tunc ille monuit, dimisso illo affectu intenso, resumendam Meditationem de Cruciatibus Christi Servatoris, aut de nostris defectibus ac miseriis, ut hac ratione Animus nonnihil respiret potius, quam penitus opprimatur. Nec scio Sanctorum quemquam scripto tradidisse unquam admirabilem hanc doctrinam, quod quisquis semel dignatus dono Contemplationis, redierit ad Meditationem, debitum ordinem perturbet, inconstans, perfidus fit, ut insipienter de statu ad statum deficiat. Sit sanè Contemplatio Portus, ad quem naviget qui meditatur; sit etiam nonnullis Portus stabilis, firmus, & finalis: an tamen à statu

ad

ad statum remigrat Mercator ille, qui nonnunquam suo
commode, suo solatio & animi remissione, aut alio quo-
cunque fine Portum deserit, & eò proram iterum dirigit,
unde erat profectus, animo tamen subinde ad amatum
Portum redeundi? Cur igitur vice versa à statu redibit ad
statum, qui à Contemplatione redit ad Meditatio-
nem, etsi Contemplatio Portus est, & me-
dirari Navigatio?



Caput V.

*Manifestum fit, fundamenta quibus nonnulli hodie
Ascetæ nituntur in hoc Contemplationis & Meditationis ne-
gotio, altud non esse, quam liges arbitrarias ab ipsis met
propositas, suæ tantummodo opinioni ad-
scrivende.*

L

Ad vitium noxiorum germinum manifestandum per-
veniri non potest, nisi ipsa adeò eorum radix è terra
stirpitus effodiatur; nec tñdere quæm debet, illud
aliorum oculis exponere, ubi de publico bono agitur.
Hoc posito, dicam fide & sinceritate optima, quod
in hi videtur; paratus tamen semper retractare, & mutare
sententiam, si à vero aberravero.

Varia documenta à S. Teresa, magna Spiritus Magi-
stræ, & aliis magnæ existimationis Authoribus in genere
Orationis tradita sunt. Subinde autem alij nonnulli, fines,
intra quos dicta Sancta sapienter se tenuit, longè trans-
gressi,

gressi, imò obverso illi palam tergo, ejusque scholâ deser-
tâ, conati sunt Legum quoddam volumen in lucem dare,
quas quisquis servâsset, sine omni dubio ad Contemplatio-
nis apicem evaderet: quod volumen proportione suâ re-
sponderet illi, quod vocamus Juris Canonici, Corpori, &
Corpori Juris Civilis. Hoc autem Legum istarum Volu-
men, seu Corpus, si ad illam tantum Contemplationem
referretur, quæ Acquisita dicitur, paulatim authoritatis
aliquid conciliare sibi posset. Sed dum ad Mysticam quo-
que extendere se studet, temerarium videtur: neque enim
DEUS in operibus quæ supra omnes naturæ vires efficit,
quales sunt animi quædam illustrationes admirandæ, Va-
ticinia, Prodigia, & alia dona purè putè gratuita, ullis se
Legibus adstringi patitur. *Dividit singulis prout vult.* 1. Cor. 12.
Hinc est, quod conari mediis quibusdam certis ac regu-
lis evadere ad apicem summæ Contemplationis, & in ti-
mam illam cum DEO conjunctionem, tam incognitam, ut
idcirco Mystica vocetur, labor sit, qui expertis nihil pro-
fit, (unde & Doctores Sancti per omnium retro seculorum
cursum tam animosè eum aggredi ausi non sunt, perinde,
ac si hoc aliud non foret, quam superare columnas Hercu-
lis) non expertis autem & rudibus semen esse possit, et si d
non agatur, mille deceptionum. Aliud enim est enumera-
re mirabiles & prodigiosos agendi modos, qui inter
DEUM & Animam tali in statu intercedunt, sicut eos enar-
rârunt S. Teresa, S. Bernardus, S. Bonaventura, S. Fran-
ciscus Salesius, & alij hujus classis; aliud leges præscribere,
quibus certò ad talem familiaritatem perveniatur: perinde
ac si ad cam admitti sit artis opus, & non meri favoris ac
gratiaz.

D

In char-

In cartis Hydrographicis solent indicari altitudines Poli locorum per quæ transeundum, portus, promontoria, loca arenosa, scopuli, saxa, & sexcenta alia, in quæ incurri potest pericula, ut ea navigantes omnes eodem modo vitent. Sed quis unquam leges certas præscripserit, quando & ubi explicanda vela sint, quando complicanda? Has non nisi cùm res ipsa postulat nōsse oportet in usum redigere, cum dependeant à sexcentis diversissimis circumstantiis ventorum, velorum, navium, marium, procellarum, viarum, quæ tenendæ sunt.

Non aliter res se habet cum regulis, quæ dantur ad Orationis sublimis cacumen assequendum,

II.

ET tamen ad tradendas has leges, non remotas tantum quæ præparent, quales sunt Mortificatio pravarum propensionum, animi demissio, obedientia, & aliæ ejus generis, sed etiam proximas, progressi suut novi isti quos dixi, Legislatores, ad duplicem quodammodo rempublicam constituendam, unam Meditantium, alteram Contemplantium. Atque de hac duplice Republica locuti sunt tanquam inter se pugnante, quæ regi non posset utraque eodem Corpore Juris communis: nec attendere voluerunt, quòd re vera hæc non sint duæ Res publicæ, sed una sola, cùm earum actiones sæpe invicem permutentur: neque enim pro mera libidine adstruendum, eos qui meditantur, non etiam sæpe alta Contemplatione absorberi; multos verò eorum qui Contemplantur, non sæpe ac piè ad meditandum reverti. Id enim si ita non esset, quid dicendum de Sponsa in Canticis, quæ etiam postquam in cellam vinarium

riam fuerat introducta, Regium suum Sponsum vel in publicis urbis plateis quæsivisse legitur? Unde colligi necessario debet, prodiisse illam è Cella illa non jam ebriam, sed sibi præsentissimam, & omnium quæ agebat consciam.

Affirmare igitur oportet ad liberandos errore illos, qui legere quidem nōrunt, sed nō discernere. Legum ejusmodi nonnullas, ut mihi quidem viſum est, certissimò esse merè arbitrarias. Et ut intra certa me capita teneam, vocabo tantum ad Examen præcipuas, quæ ad tres revocantur: prima versatur circa objectum Contemplationis: altera circa Modum contemplandi, & tercua circa finem, quem præfigere sibi Contemplans debeat. Conabor has expedire quām breviter ac paucis possum: his enim profligatis patebit manifestè, Meditationem ac Contemplationem non solum non esse inimicas, quas inter pax sperari non possit, quales illas hodie nonnulli rudibus repræsentant, sed ambas ut cultu, sic animo & corde conjunctissimas esse.

